



Broj: 09-20-11-2-1477

Datum: 15.09.2021. godine

Na osnovu člana 43. a u vezi člana 45. stav. 2 Zakona o unutrašnjim poslovima Federacije Bosne i Hercegovina („Službene novine Federacije BiH“ broj:81/14), čl. 27. i 70. Zakona o javnim nabavkama („Službeni glasnik BiH“, broj:39/14), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2021. godinu, zamjenik direktora Federalne uprave policije, d o n o s i:

### **ODLUKU**

o izboru najpovoljnijeg ponuđača za nabavku vojne opreme za LOT-3

1. Na osnovu obavještenja o nabavci objavljenog u „Službenom glasniku BiH“, broj: 44/21 od 16.7.2021. godine proveden je pregovarački postupak sa objavom obavještenja o nabavci, u predmetu nabavke: Nabavka vojne opreme.
2. Na predmetnu nabavku za LOT 3, zaprimljene su dvije početne ponude i to od ponuđača: Danial S d.o.o. Tešanj i SHOT d.o.o. Zenica. Na osnovu dostavljenih početnih ponuda i obavljenih pregovora, ugovorni organ poziv za dostavljanje konačnih ponuda uputio je ponuđaču SHOT d.o.o. Zenica, čije je ponuda formalno-pravno ispunjavala uslove propisane tenderskom dokumentacijom.
3. Komisija je utvrdila da je zaprimljena jedna konačna ponuda i to ponuđač SHOT d.o.o. Zenica za LOT 3 - Balističke kacige, sa cijenom od 98.200,00 KM bez PDV-a, odnosno 114.894,00 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu u potpunosti zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku o pregledu i ocjeni konačne ponude od 09.9.2021. godine.
4. Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj obavještenja o nabavci protokola 1412-3-1-135-3-75/21 od 07.7.2021. godine.
5. Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.
6. Cijeneći prijedlog Komisije, zamjenik direktora Federalne uprave policije donosi Odluku kao u dispozitivu i ista stupa na snagu danom donošenja.

7. Za izvršenje Odluke zadužuje se Sektor za materijalno-finansijske poslove.

### **O b r a z l o ž e n j e**

Komisija za provođenje postupka nabavke u skladu sa članom 8. Zakona o javnom nabavkama za 2021. godinu, imenovana Rješenjem zamjenika direktora Federalne uprave policije, broj: 09-19/1-30-2-206 od 18.03.2021. godine, postupila je shodno obavještenju o nabavci koji je objavljen u „Službenom glasniku BiH“, broj: 44/21 od 16.7.2021. godine, po osnovu čega je proveden pregovarački postupak nabavke u predmetu nabavke: Nabavka vojne opreme, podijeljena na lotove i to: LOT 1- balistički štiti, LOT 2 – brzi nišan za jurišku pušku i LOT 3 – balističke kacige. Procijenjena vrijednost za LOT 1 – 11.111,11 KM bez PDV-a, LOT 2 - 41.025,64 KM bez PDV-a i LOT 3 – 99.145,30 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača Danial S d.o.o. Tešanj, KM Trade do.o. Visoko, SHOT d.o.o. Zenica i ABC Sporting d.o.o. Banja Luka. Komisija je utvrdila da ponuđač KM Trade d.o.o. Visoko nije kvalifikovan, te nije pozvan da dostavi početnu ponudu u predmetnoj nabavci. Komisija je dana 17.8.2021. godine uputila pozive kvalifikovanim ponuđačima za dostavljanja početnih ponuda. U skladu sa navedenim rokom ponuđači Danial S d.o.o. Tešanj i SHOT d.o.o. Zenica su dostavili su svoje početne ponude.

Komisija je uvidom u iste konstatovala da početna ponuda ponuđača Danial S d.o.o. Tešanj za LOT 3, odnosno uzorak kacige nije dostavljen sa svim traženim elementima kako bi se mogla utvrditi kompatibilnost sa već postojećim: balističkim kacigama, komunikacijskim setovima i svom ostalom opremom koja se trenutno koristi. Obzirom da navedeni ponuđač nije dostavio kako je to traženo, obaviješten je da njegova ponuda ne ispunjava uslove iz tenderske dokumentacije te da neće dostaviti poziv za dostavljanje konačnih ponuda za navedeni LOT.

Ugovorni organ je na osnovu početnih ponuda i obavljenih pregovora konstatovao da ponuda ponuđača SHOT d.o.o. Zenica jedino u potpunosti ispunjava uslove propisane tenderskom dokumentacijom, a što je i konstatovano Zapisnikom nakon obavljenih pregovora broj: 09-20-11-2-1477 od 01.09.2021. godine. Na osnovu svega navedenog poziv za konačnu ponudu upućen je ponuđaču SHOT d.o.o. Zenica.

Komisija za provođenje postupka nabavke na sastanku održanom 09.9.2021. godine, izvršila je analizu konačne ponude o čemu je sačinjen Zapisnik broj: 09-20-11-2-1477 od 09.9.2021. godine, te dala preporuku rukovodiocu organa da donese Odluku o izboru najpovoljnijeg ponuđača: SHOT d.o.o. Zenica, za LOT 3- balističke kacige, sa cijenom od 98.200,00 KM bez PDV-a, odnosno 114.894,00 KM sa PDV-om, koja u ekonomskom i tehničkom smislu u potpunosti zadovoljava zahtjev ugovornog organa.



## **PRAVNA POUKA :**

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog /prvostepenog organa.

Prilog:

- Zapisnik o ocjeni konačne ponude broj: 09-20-11-2-1477 od 09.9.2021. godine

Dostaviti:

- Sektoru za mat-fin poslove
- ponuđačima
- u spis



**ZAMJENIK DIREKTORA  
GENERALNI INSPEKTOR POLICIJE**

**Ensad Korman**